



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2006. GODINU
NARODNA STRANKA RADOM ZA BOLJITAK

Broj: 09-07-6-1206/07
Sarajevo, 09. juni 2008. godine

SADRŽAJ :

MIŠLJENJE REVIZORA	3
1.UVOD	4
2.PREDSTAVLJANJE POLITIČKE STRANKE	4
3.OPIS PREGLEDA I KANCELARIJSKE REVIZIJE	5
Predmet kancelarijske revizije	5
Cilj kancelarijske revizije	5
Obim kancelarijske revizije	5
4.PREDHODNE REVIZIJE	5
5.NALAZI KANCELARIJSKE REVIZIJE I PREPORUKE	6
5.1. NALAZI	6
5.2. PREPORUKE	7
KOMENTAR	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Narodne stranke Radom za boljitak i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

1. Na osnovu obavljene kancelarijske revizije godišnjeg finansijskog izvještaja utvrđeno je da je Narodna stranka Radom za boljitak prekršila odredbe člana 6. i člana 11. stav 3. Zakona o finansiranju političkih partija.

Na osnovu našeg pregleda, odnosno kancelarijske revizije finansijskog izvještaja, osim gornje napomene pod 1. nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Narodne stranke Radom za boljitak i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Narodna stranka Radom za boljitak je iskazala prihode u iznosu od 556.426,76 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	17.162,00	3,08%
2	Prilozi fizičkih lica	376.082,96	67,59%
3	Prilozi pravnih lica	200,00	0,04%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	12.600,00	2,26%
7	Prihodi iz budžeta	150.381,00	27,03%
	Ukupni prihodi:	556.426,76	100,00%

U godišnjem finansijskom izvještaju Narodna stranka Radom za boljitak je iskazala ukupne rashode u iznosu od 2.143.090,96 KM.

2. PREDSTAVLJANJE POLITIČKE STRANKE

Naziv političke stranke: Narodna stranka Radom za boljitak. Skraćeni naziv je : Za boljitak.

Politička stranka Narodna stranka Radom za boljitak je registrovana 28.06.2005. godine kod Kantonalnog suda u Sarajevu pod brojem R-I-5/05

Sjedište političke stranke je u Sarajevu, Kranjčevićeva 41

Za zastupanje stranke ovlašteni su Mladen Ivanković-Lijanović, predsjednik stranke.

Osoba ovlaštena za podnošenje finansijskih izvještaja za 2006. godinu je Ivan Pandža.

Organizacionu strukturu stranke Narodne stranke Radom za boljitak čine:

- Središnji ured,
- KO Herceg-Bosanskog Kantona,
- KO Zapadno-Hercegovačkog Kantona,
- KO Hercegovačko –Neretvanskog Kantona,
- KO Srednjo-Bosanskog Kantona,
- KO Posavskog Kantona,
- KO Unsko-Sanskog Kantona,
- KO Tuzlanskog Kantona,
- KO Bosansko-Podrinjskog Kantona,
- KO Zeničko-Dobojskog Kantona,
- KO Sarajevskog Kantona,
- šest Regionalnih odbora (Banja Luka, Prijedor, Doboj, Bijeljina, Istočno Sarajevo, i Trebinje),
- Gradski odbor Mostar.
- Odbor Brčko Distrikta,
- 103 opštinska odbora.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Narodne stranke Radom za boljitak za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je Narodna stranka Radom za boljitak u izvještajnom periodu postupao u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja Narodne stranke Radom za boljitak obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršena je revizija godišnjeg finansijskog izvještaja za 2005. godinu i izdat izvještaj o reviziji sa mišljenjem revizora, nalazima i preporukama revizije da stranka treba postupati u skladu sa odredbama člana 5. stav 1, člana 6. i člana 11. stav 3. Zakona o finansiranju političkih partija. Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE I PREPORUKE

5.1 NALAZI

a) Na osnovu obavljenog pregleda i kancelarijske revizije finansijskog izvještaja i dodatne finansijske dokumentacije utvrđeno je da je stranka prekršila odredbe člana 6. Zakona o finansiranju političkih stranaka.¹

Stranka nije prijavila priloge šest fizičkih lica po osnovu vjećničkih paušala u ukupnom iznosu od 21.600,00 KM.²

b) Na osnovu obavljenog pregleda i kancelarijske revizije finansijskih izvještaja utvrđeno ja da je stranka postupala suprotno odredbama člana 11. stav 3. Zakona o finansiranju političkih stranaka.³

- Prilozi fizičkih lica u iznosu od 21.600,00 KM su iskazani kao prihodi iz budžeta.
- Stranka nije pravilno popunila obrazac br.5 Pozajmice, krediti i dugovanja na taj način što je iskazala pozajmicu od jednog pravnog lica u iznosu od 1.382.961,28 KM i jednog fizičkog lica u iznosu od 400.000,00 KM, a nije navela podatke o visina rate i rokovima vraćanja pozajmica.⁴

Troškovi predizborne kampanje

Narodna stranka Radom za boljitak je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 1.181.889,79 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁵ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH Narodna stranka Radom za boljitak je mogla potrošiti 3.587.541,40 KM.

¹Ako ukupni iznos priloga jednog lica iz stava 1.člana 4. premašuje 100,00 KM, ta uplata mora da se unese u finansijski izvještaj u skladu sa članom 11.

² Stranka u svom dopisu br.05-14-93-1/06 od 02.04.2007. godine navodi da ima osam vijećnika u općini Široki Brijeg, od kojih se za šest vijećnika mjesečno po vijećniku uplaćuje paušal u iznosu 300,00 KM, na račun stranke-Unikredit Zagrebačka banka. Pregledom dostavljenih izvoda pomenute banke, utvrđen je ukupan iznos paušala u visini od 21.600,00 KM. Na obrascu 3-f stranka je evidentirala prihod iz budžeta općine u iznosu od 36.700,00 KM, kad se od navedenog iznosa odbiju vijećnički paušali, stvarni prihod iz budžeta stranke iznosi 15.100,00 KM.

³Politička stranka je obavezna da Centralnoj izornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.

⁴ Pregledom dostavljenih ugovora na iznos od 1.500.000,00 sa Stipom Ivankovićem-Lijanovićem u ugovoru nije preciziran rok vraćanja pozajmice, nego stoji klauzula po zahtjevu davatelja. Slično je i kod ugovora sa firmom Lijanovići d.o.o.Široki Brijeg na iznos pozajmice od 400.000,00 nije preciziran rok vraćanja duga.

⁵ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. P R E P O R U K E :

Narodnoj stranci Radom za boljitak se preporučuje da se pridržava Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 6. i člana 11. stav 3. Zakona o finansiranju političkih stranaka.*

KOMENTAR:

U ostavljenom roku Narodna stranka Radom za boljitak se očitovala na Preliminarni izvještaj o reviziji godišnjeg finansijskog izvještaja za 2006. godine. Stranka je u svom dopisu broj: ZB-11-00-008/08 od 13.05.2008. godine, negirala da je primila sredstva iz proračuna tri opštine u ukupnom iznosu od 9.833,37 KM. Sredstva u iznosu od 6.000,00 KM nije primila od opštine Visoko, kao ni iznos od 1.000,00 KM od opštine Domaljevac-Šamac. Sredstva iz proračuna Posavskog kantona u iznosu od 2.833,37 KM, su naplaćena u 2007. godini.

Služba je izvršila provjeru gore iznesenih navoda i utvrdila da su argumentovani, i kao takve je prihvatila i ugradila u Izvještaj.

Hasida Gušić, šef Službe za reviziju

Andan Nevenko, revizor

Anela Burdžović Kapić, pomoćnik revizora